



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 01-04-37535/20
Sarajevo, 16.10.2020. godine

SKUPŠTINA KANTONA SARAJEVO

Predsjedavajući Skupštine Kantona Sarajevo

PREDMET: Odgovor na zastupničko pitanje

Zastupnica/poslanica Neira Dizdarević je na 29. Radnoj sjednici Skupštine Kantona Sarajevo, održanoj dana 28.09.2010. godine, u okviru tačke Dnevnog reda „Poslanička/zastupnička pitanja, inicijative i odgovori”, a u skladu sa članom 213. Poslovnika Skupštine Kantona Sarajevo postavila **zastupničku inicijativu**:

„Podnosim inicijativu da **Vlada KS, resorna ministarstva i javna preduzeća** svako iz svoje nadležnosti **poduzmu sljedeće**:

1. **Organizuju radni sastanak sa planinarskim društvima, ekološkim udruženjima i svim zainteresovanim građanima, na kojem bi se razgovaralo o zakonskom rješenju u vezi planiranja i označavanja planinarskih staza, uz napomenu da svako narušavanje prirodnog ambijenta prostora Bjelašnice i Igmana koji su prema trenutno važećem Prostornom planu dijelovi nacionalnog parka treba biti svedeno na minimum kako bi planinari, ljubitelji prirode i ostali građani mogli uživati u istim.**

2 **Vlada KS, Uprava za šumarstvo te resorna ministarstva kao i javna preduzeća urade reviziju šumskih osnova kako bi se dodale zane u kojima neće biti sječe zbog planinarskih staza i vodozaštitnih zona ili će sječe biti ograničenog obima uz primjenu mjera očuvanja šumskog tla.**

3. **Vlada KS, resorna ministarstva poduzmu korake na razvoju turizma na području Bjelašnice i Igmana koji će imati minimalan ili nikakav uticaj na prirodni ambijent planina te zaustavite odmah svako štetno djelovanje po iste.”**



Odgovor:

1. Uprava za šumarstvo podržava ideju održavanja radnog sastanka sa planinarskim društvima, ekološkim udruženjima i svim zainteresovanim građanima na kojem bi se razgovaralo o zakonskom rješenju u vezi planiranja i označavanja planinarskih staza, kada se, s obzirom na epidemiološku situaciju, za to steknu uslovi.

2. Šumskoprivredna osnova je osnovni okvir gazdovanja šumama na principu trajnosti proizvodnje i prihoda, uz očuvanje i poboljšanje biodiverziteta i ostalih općekorisnih funkcija šuma. To je dugoročni plan gospodarenja šumama na nivou šumskoprivrednog područja koji sadrži sve potrebne podatke o šumama i šumskom zemljištu i koji propisuje sve radove koji će se odvijati u šumama u narednom periodu. Šumskoprivredna osnova se izrađuje na osnovu snimljenog stanja šuma i šumskih zemljišta na početku uređajnog perioda i svojim odredbama i planovima koji su obavezujući obuhvataju naredni period od deset godina.

Ukoliko postoje objektivni razlozi za odstupanje od odredaba šumsko privredne osnove, tj. za promjenu planova gospodarenja šumama i šumskim zemljištima usljed različitih ograničenja izazvanih prirodnim nepogodama ili opravdanim potrebama društvene zajednice, potrebno je izvršiti njenu reviziju.

U prethodnom periodu, nakon izrade Elaborata i usvajanja Odluka o zaštiti izvorišta vode za piće od strane Općinskog vijeća Hadžići i Općinskog vijeća Trnovo, uskladu sa članom 10. stav 2. Zakona o šumama Kantona Sarajevo („Službene novine Kantona Sarajevo“, broj: 5/13) Ministarstvo privrede KS je izvršilo reviziju Šumskoprivredne osnove za Šumskoprivredno područje „Igmansko” i Šumskoprivredne osnove za Šumskoprivredno područje „Trnovsko”. Na taj način je izvršeno usklađivanje planova gospodarenja šumama sa dodatnim funkcijama šume, tj. izvršeno je usklađivanje gospodarenja šumama i vodama.

3. Uprava za šumarstvo podržava inicijativu da se poduzmu koraci na razvoju turizma na području Bjelašnice i Igmana koji će imati minimalan ili nikakav negativan uticaj na prirodu.

S poštovanjem,



Dostaviti:

1. Naslovu,
2. Evidenciji,
3. Vladi Kantona Sarajevo – na znanje,
4. Arhivi.

